

Carta Tsa Jihna Ñi Tsa Jacuhun Ra Pablo Tsi Ra Timoteo

Nu tyaq ra Pablo iin carta tsa cuenda ra Timoteo

¹ Yuhu ra Pablo cuví yu iin ra tavä tyiñu ra Jesucristo, tyin Nyoo catyí tyin caca yu tyiñu ra. Maa ra cuví ra tsa jacacú tsi yo. Tan ra Cristo cuví ra tsa nyitá iñi yo. ²Tyaá yu carta ihya tsa cuenda un, yooho Timoteo, tyin sehe yu cuví tsi un tsa cuenda tsa natsinu iñi un tuhun ra Cristo tsa jacoto yu tsi un. Naquihin tsa vaha tan tsa taxin tsa tsahá Nyoo Jutu yo tan Jutu Mañi yo Jesucristo coo añima un. Tan na nyehe ndaahvi ra tsi un.

*Nu tsahä cuenda ra Pablo tyin jaha cuenda yo tsi
yo tan ña cunyicun yo tsa ña nditsa*

³ Quívì quita yu ñuu Éfeso tan vatsi yu Macedonia nu nyií yu ihya, tavä tyiñu yu tsi un tsa ndoo un ñuu Éfeso tyin cahan un tsihin nyívì jacuahá inga ca tuhun. Catyi yu tsihin un tyin catyi un tsihin ñi na ña jacuaha ñi tsa ña nditsa. Tan vityin juvin ñi tacan caahán nyico yu tsihin un. ⁴Cahan tsihin ñi na ña tyaá iñi ñi cuendu, na ña tyaá iñi ñi tuhun nyívì tsicoq tahen tsanaha. Tyin tun, maa ñi yacan tyaá iñi ñi maa cua cahan yuhu tahan ñi ñi. Tan ña cua jatyinyéé can tsi ñi tan quita vaha tyiñu tsa tsahá Nyoo tsi ñi. Tyin tyiñu can tsihin tsa tsinu iñi yo tan cuvi quita vaha tsi.

5 Tatum jahahá yo tsa tavá tyiñu Nyoo tsi yo tyin jahahá yo, cua cuñi tahan yo tsi yo, tsihin tsa nii iñi añima yo tsa janduvahá Nyoo. Cua cuñi yo tsi ni tsihin tsa vaha caca iñi yo tan tsihin tsa nditsa tsinú iñi yo tsi Nyoo. **6** Maa tyin yihí nyiví nacoq ihñi ñi yacan, tan tsinaq ñi jahá tsa caahán yuhu tahan ñi. **7** Cuñi ñi cuvi ñi maestro cuenda ley tsahnu, maa tyin ndi maa ñi tan ña cutuñi iñi ñi tuhun caahán ñi tan nii xaan iñi ñi jacuahá ñi tuhun can.

8 Tsitó yo tyin ley can, vaha tsi, maa tyin cuñi tsi cuatyñu vaha yo itsi tumaa taahán maa tsi. **9** Cuñi tsi coto yo tyin ndi intuhun ley tan ña iyó tsi tsa cuenda nyiví vaha. Tyin ley can iyó tsi tsa cuenda nyiví jahahá tsa ña vaha, ñi ña tyaá soho tsa caahán Nyoo, nyiví iyó cuatyí, nyiví caquiñi, nyiví ña tyaá yahvi tsi Nyoo. Iyó tucu tsi tsa cuenda nyiví tsahñí tsi jutu ñi, tsi sihi ñi, tan tsa cuenda tandihí nyiví tsahñí nyiví. **10** Iyó ley can tsa cuenda nyiví iyó tsihin rayii a ñaha tan ñavin yii ña a ñasiihi ra cuví. Iyó tsi tsa cuenda ra ndusiihi, tan tsa cuenda nyiví tyihí xeehe nyiví tan xicó ñi, tan iyó tsi tsa cuenda nyiví vatya, tan iyó tsi tsa cuenda nyiví tsa catyí: “Naha Nyoo”, tan ña nditsa tsa caahán ñi. Tan juvin ñi iyó tucu ley can tsa cuenda nyiví caahán ndavaha ñi siquí tuhun Nyoo tsa cutuhvá yo. **11** Tuhun Nyoo ihyá, iin ñi cuví tsi tsihin tuhun cahnu xaan tsa jacacú ra Jesús tsi yo. Nyoo tavá tyiñu ra tsi yu tsa jacuaha yu tuhun ihyá tsi nyiví. Tan intuhun ñi maa ra taahán tsi jachahnú yo.

*Tsahá ra Pablo tyahvi nyoo tsi Nyoo tyin nyehé
ndaahvi ra tsi ra*

12 Tsahá xaan yu tyahvi nyoo tsi Jutu Mañi yo Jesucristo tyin tsahá ra tunyee iñi tsi yu, tan nyehe ra tsi yu tan tsitó ra tyin tsinú vaha iñi yu tsi ra, tan tsa cuenda yacan tavá tyiñu ra tsi yu tsa jaha tyiñu yu tyiñu ra. **13** Tacan javahá ra tsihin yu, vasu ndi maa nu quitsí tsi quíví, yuhu cahán nyaa xaan yu tsi ra. Tan tsinyaq ndaha yu tsi nyíví yíhí cuenda ra, tan tsacú nducu yu tsi ra. Maa tyin Nyoo cundaahví xaan iñi ra nyehe ra tsi yu, tyin quíví can ñaha ca tsinu iñi yu tsi ra, tan ña tsitó yu náa javahá yu. **14** Tacan tsahá Jutu Mañi yo Jesucristo tsa vaha ra tsi yu. Tan tsinú xaan iñi yu tsi ra jahá ra. Tan cuñí xaan yo tsi nyíví tyin iin ñi cuví yo tsihin ra Cristo Jesús.

15 Tan tuhun cua cahan yu ihya tsa nditsa vaha cuví tsi. Taahán tsi tsinu iñi yo itsi tan catyí tsi tyehen: Ra Cristo Jesús quitsí ra nu ñuhu ñayíví ihya tyin jacacú ra tsi nyíví iyó cuatyí. Tan yuhu cuví iin ra caquiñi ca tan ñavin ca tandíhi nyíví. **16** Yacan cuenda, tavá Nyoo tsi yu nu caquiñi tan cundahví iñi ra tsi yu tyin tacan tan janaha ra Jesucristo tsi nyíví tyín cuñí xaan ra tsi ñi tan cunyeé iñi ra ndatú ra nda cuanda nacuhva cuenda ñi tsi ñi tsi ra. Tyin tacan tan cua tsinu iñi ñi tsi ra tan cua coo ñi ñayíví nyito tsa ña cua naa maa. **17** Yacan cuenda na jacobino yo tsi ra yíhí ndaha tsi yo tandíhi ñi quíví, ra nduve tuhun tsiihí iyó tsi, ra ña cuví nyehe yo, ra tsa intuhun ñi maa cuví Nyoo tan tsitó ra tandíhi. Na cuvi tsi tacan.

18 Yooho Timoteo sehe yu, tavá tyiñu yu tsi un, cañí tahan vaha tsihin nu tatyí ña vaha. Cuatyíñu tsa tsinú iñu un tsi Nyoo tan tsihin tsa tsitó un tyin

vaha cuahán un tsihin Nyoo; tumaa tsahá cuenda ra yañi yo naha ra tsi un quíví cahān ra naña tuhun un jahá Nyoo. ¹⁹ Na jandihí un tsa tsinú iñi un tsi Nyoo tan ña jandihí un tsa javahá un tumaa catyí maa Nyoo tyin javaha un, nacoto vaha tsitsi añima un tyin vaha cuahán un tsihin Nyoo. Tyin juhva ra naña nacoo ra naña tandihí yacan, yacan cuenda ña tsinú ca iñi ra naña tumaa taahán maa tsi. ²⁰ Tacan javahá ra Himeneo tan ra Alejandro. Yacan cuenda tsahá cuenda yu tsi ra naña tsi nu ña vaha, tyin tacan tan coto ra naña tyin ña vaha cahan yo ndavaha ñi siquí tuhun Nyoo.

2

Nu jacuahá ra Pablo nácaa taahán tsi ndacan tahvi yo tsi Nyoo

¹ Tsahá cuenda yu tsi tandihí nyíví yíhí cuenda Nyoo tyin ñiñi xaan cuñí tsi ndacan tahvi yo tsi Nyoo tsa cuenda tandihí nyíví. Tan nacuhva yo tyahvi nyoo tsi Nyoo tsa cuenda ñi. ² Na ndacan tahvi yo cuenda ra ndacá ñaha naña ra tan cuenda tandihí ra cumí tyiñu naña ra. Ndacan tahvi yo tsa cuenda ra naña tyin tacan tan coo yo tsihin tsa vaha, coo taxin yo, tan coo yo iin ñayíví vaha nuu Nyoo tan nuu nyíví. Tacan tan cua jaha ñi tsa ñayíví tsi yo. ³ Tyin tacan taahán iñi Nyoo, ra tsa jacacú tsi yo. ⁴ Tyin cuñí ra tsa cacu tandihí nyíví. Tan cuñí ra tsa coto ñi tuhun nditsa. ⁵ Tyin intuhun ñi maa Nyoo iyó. Tan iyó intuhun ñi ra cuví cahan ndaahvi tsa cuenda yo nuu Nyoo. Ra ican cuví ra Cristo Jesús. Tan cuví ra iin nyíví tumaa maa yo. ⁶ Juvín ra Jesucristo tsihí tsa cuenda

tandihi nyiví. Tyahví ra tsa cuenda cuatyi tandihi yo tyin tacan tan cuvi cacu yo. Tan cundaq can quiví tyaq maa Nyoo cuhva. ⁷ Tsa cuenda yacan, tavá tysi Nyoo tsi yu, tyin cahan yu tuhun ra, tan caca yu tysi ra, tan jacuaha yu tsi nyiví tsa ñavin nyiví Israel cuví nácaa tsinu iñi ñi tsa nditsa. Tan nyooho tsító ndo tyin tsa nditsa caahán yu tyin ña tuhvá yu jandavi ñaha tyin cuenda ra Cristo yihi yu.

⁸ Yacan cuenda cuñí yu tsa ndacan tahvi rayii naha ra tsi Nyoo tandihi ñi ityi. Tan coo vaha ra naha nuu ra. Tan cañihí ra naha ndaha ra tan jacobnu ra naha tsi Nyoo tsihin tsa vaha caca iñi ra naha. Tan tsihin tsa ña ñuhú tisihí iñi ra naha. Tan ña cahan yuhu tahan ra naha. Tacan taahán tsi coo ra naha tan ndacan tahvi ra naha tsi Nyoo. ⁹ Tacan tucu ñiñaha. Catsi vaha cunditsi ñi jahma ñi, tumaa taahán maa tsi cunditsi nyiví yihi cuenda Nyoo. Na ña cunditsi ñi jahma iyo xaan caa. Ña iyo xaan janduvaha ñi jiñi ñi. Ñavin tsihin xuhun cuaan, ndi tsihin yuu xiñu, tan ña cunditsi ñi jahma yahvi xaan. ¹⁰ Maa tyin na janduvaha ñi tsi ñi tsihin tsa catsi coo ñi tan tsihin tsa javaha ñi tsa vaha, tumaa taahán maa tsi javaha nyiví nacuhvá cuenda tsi ñi tsi Nyoo. ¹¹ Tan cunyecu taxin ñi tya soho ñi tuhun Nyoo. Tan jaha ñi tsa ñayiví tsi ra tsahá cuenda tuhun Nyoo tsi ñi. ¹² Tyin ña tsahá yu jacuaha ñiñaha nuu nyiví cuaha. Ndi ña tsahá yu tsa cundaca ñaha ñi tsi rayii. Taxin ñi na cunyecu ñi. ¹³ Tyin jihna ca ra Adán javahá Nyoo, yahá can tan javahá ra tsi ña Eva. ¹⁴ Tan ñavin tsi maa ra Adán jandaví ñaha nu ña vaha, tyin tsi ña Eva ñasihí ra jandaví ñaha nu tan tsico

cuatyi ña. ¹⁵ Maa tyin ñiñaha nduve tsa cua tahan ñi tsa cua cacu sehe ñi, tatum jacuahnú vaha ñi tsi sehe ñi, tan tsinú vaha iñi ñi tsi Nyoo tan cuñí ñi tsi ra tan tsi nyiví, tan catsi coo ñi nuu Nyoo tan nuu nyiví.

3

Nacaa taahán tsi coo ra cuví ityi nuu tsihin nyiví vehe ñuhu

¹ Tuhun ihya tuhun nditsa cuví tsi: Tatum iin ndo cuñí ndo cuvi ndo ityi nuu tsihin nyiví vehe ñuhu, vaha xaan tyiñu cuñí ndo javaha ndo. ² Maa tyin ñiñi cuñí tsi tyin ra cuví ityi nuu tsihin nyiví vehe ñuhu cuñí tsi cuvi ra iin ra catsi iyó tyin tacan tan ña cuví tyaa nyiví cuatyi tsata ra. Tan cuñí tsi tsa coo intuhun ñi ñasíhi ra. Tan cuñí tsi tsa cuvi ra iin ra tsító vaha cuhva coo, iin ra vaha nuu nyiví. Tan cuñí tsi vaha cahan ra tsihin nyiví tsaá yuvehe ra, tan cuví ra iin ra tsító vaha jacuaha tsi nyiví. ³ Iin ra cuví ityi nuu tsihin nyiví vehe ñuhu ña taahán tsi coho ra nyixi, tan ña taahán tsi cuví ra iin ra nanducú tisíhi. Tan ña taahán tsi cuví ra iin ra nducú xuhun tsihin tsa ña taahán tsi, Cuñí tsi tsa cuví ra iin ra vaha iñi, iin ra ña tuhvá cañi tahan. Tan cuvi ra iin ra ña nyiyo iñi xuhun. ⁴ Cuñí tsi tsa cuvi ra iin ra yihí ndaha vaha tsi ñasíhi ra tan tsi sehe ra, iin ra ndacá ñaha tsi sehe ra tan tyaá yahvi vaha sehe ra tsi ra, tan jahá ñi tsa ñayiví tsi ra. ⁵ Tyin tatum ña tsító ra cundaca ñaha ra nyivi vehe ra, ¿nácaa cua quihi ndaha ra nyivi tsicá vehe ñuhu Nyoo? ⁶ Tan iin ra ndi tsaa xaan tsihin tuhun Nyoo ña taahán tsi cuvi ra ityi nuu tsihin nyiví vehe ñuhu tyin coto nduyaa ra, tan tatsi tuñi Nyoo tsi ra,

tumaa tatsi tuñi Nyoo tsi nu ña vaha tsa cuenda tsa cahnu xaan jahä nu tsi nu. ⁷ Tan cuñí tucu tsi tsa cuvi ra iin nyivi vaha nuu nyivi tsa ña yihí tuhun Nyoo, tyin tacan tan ña ñihi ñi náa cuatyi tyaa ñi tsata ra tan ña cuvi jaha canaa nu ña vaha tsi ra.

Nacaa taahán tsi coo ra jahá tyiñu vehe ñuhu

⁸ Tan tacan tucu ra jahá tyiñu vehe ñuhu naha ra. Na catsi coo ra naha. Na ña cumañi ra naha tsihin tuhun caahán ra naha, tan ña cuvi ra naha ra tuhvá tsihí nyixi. Tan ndi ña nyiyo iñi ra naha jaha canaa ra naha xuhun tsihin tsa ña taahán tsi. ⁹ Cuñí tsi tsa cutuñi vaha iñi ra naha nácaa taahán tsi tsinu iñi yo tsi Nyoo tan coto vaha ra naha tyin vaha cuahán ra naha tsihin Nyoo. ¹⁰ Tan cuñí tucu tsi tsa nyehe jihna yo tatum vaha cuahán ra naha tsihin Nyoo, tacan tan cuví jaha tyiñi ra naha vehe ñuhu. ¹¹ Tan tacan tucu ñiñaha, cuñí tsi cuví ñi nyivi vaha nuu nyivi. Ña cahan ñi cuendu. Catsi coo ñi. Tan tyaa nuu vaha ñi tandihí tyiñu. ¹² Ra jahá tyiñu vehe ñuhu na coo intuhun ñi ñasihi ra. Tan cuñí tsi tsa coto vahä ra cundaca ñaha ra tsi sehe ra tan nyivi vehe ra. ¹³ Tyin ra jahá tyiñu vehe ñuhu, tan vaha tyanuú ra tyiñu tsa nyisó ra, cuahán ca ra ityi nuu tsihin Nyoo. Tan tsihin tsa nii iñi ra caahán ra tuhun Nyoo tyin tsinú vaha iñi ra tsi ra Cristo Jesús.

Nu caahán ra Pablo siqui tuhun xeehe cuhva tsinú iñi yo

¹⁴⁻¹⁵ Vasiqui numi ñi cua quitsi nyehe yu nu nyií un. Maa tyin tun ña cuvi quitsi yu tsa numi ñi, yoñi jaha, vaha tyin tsa tyaá yu tuhun ihyá tyin coto un nácaa taahán tsi coo yo tsa cuví yo nyivi

cuenda Nyoo. Tyin maa yo cuví vehe ñuhu Nyoo nyito. Tan cuñí tsi tsa jañihi ca yo janaha yo tuhun Nyoo tsi nyívì. Tan naquihin vaha yo tyin tuhun nditsa cuví tsi. ¹⁶ Tsa nditsa tyin yaha xaan cahnu cuví tuhun xeehe tsa jaquituví Nyoo, tyin coo yo tumaa iyó maa ra:

Nyoo nanduví ra rayíi tan tsicoq ra, tsicoq cuñu ñuhu ra tumaa tsa iyó cuñu ñuhu maa yo.

Tan catyí Tatyi Ii Nyoo tyin ra nduve cuatyí cuví ra.

Tan nyehé ra cuví ángel naha ra tsi ra.

Tanii cahnu nu ñuhu ñayívì caahán nyívì tuhun ra.

Tan tsinú iñi nyívì tsi ra tanii cahnu nu ñuhu ñayívì.

Tan cuanuhü ra nda gloria.

4

Nu catyí ra Pablo tyin nu cuahán ca tsi quívì yihí nyívì ña cua tsinu ca iñi ñi tsi ra Cristo

¹ Maa tyin caahán catsi Tatyi Ii tan catyí ra tyin nu cua ndihí tyembu yihí nyívì ña cua tsinu ca iñi ñi tsi ra Cristo, tyin cua tyaa soho ñi tuhun caahán tatyí ña vaha tsa jandaví ñaha. Tan cua cunyicun ñi ndusu yuhu nu ña vaha. ² Cua tyaa soho ñi tuhun caahán nyívì jandaví ñaha. Tan ñi can ña tuví iñi ñi náa javahá ñi tyin tsa ndundaväxaan añima ñi. Tumaa tsa cayü añima ñi jahä iin caa ihñi tan ndundavätsi. ³ Cua casi ñi nu tindaha nyívì. Tan cua catyí ñi tyin ña vaha catsi yo juhva nuu nyayu. Vasu tsitó yo tyin tandihí nuu tsa tsatsí yo, Nyoo javahä itsi. Tan tandihí yoo tsa tsinú iñi tsi ra tan tsitó yo tsa nditsa, tsatsí yo can tan tsahá yo tyahvi nyoo tsi ra. ⁴ Tyin tandihí tsa javahä Nyoo

tan vaha tsi. Tan ña taahán tsi catyi yo tyin ña vaha tsi. Tan cuví catsi yo tandihí tsi tun tsahá yo tyahvi nyoo tsi Nyoo tsa cuenda tsi. ⁵ Tyin ndu ii tsi jahá tuhun Nyoo tan tsa tsicán tahvi yo tsi ra tan tsahá yo tyahvi nyoo tsi ra.

Nacaa iyó ra vaha jahá tyiñu tyiñu ra Jesucristo

⁶ Tatum jacuahá un tandihí tsa caahán yu ihya tsi tandihí nyíví yihí tuhun Nyoo tsihin yo, cua cuvi un iin musu vaha ra Cristo Jesús. Tan tuhun tsa tsinú iñi yo, tsihin tandihí tuhun ra Cristo tsa nyicún yo, cua jatyinyee tsi tsi un tan cuahnu ca un tsihin tuhun Nyoo. ⁷ Maa tyin ña tyaa yahvi un tsa cuví xembulu, tuhun sana, tan tuhun tsahnú cuhva iyó nyíví. Vaha ca jañiñi un tsi un tan javaha un maa ñi maa cuhva cuñí maa Nyoo. ⁸ Tsa jañiñi yo coo tunyee iñi cuñu ñuhu yo, juhva ñi jatyinyee tsi tsi yo. Maa tyin tsa jañiñi yo javahá yo tandihí cuhva cuñí Nyoo, jatyinyee tsi tsi yo iin cahnu ñi, tyin jatyinyee tsi tsi yo nu ñuhu ñayíví ihya. Tan jatyinyee tucu tsi tsi yo tsa coo vaha yo nu cua tsaa yo nda gloria. ⁹ Tan nditsa, tyin tsa nditsa cuví tsi tan tandihí yo taahán tsi tsa tsinú iñi yo itsi. ¹⁰ Tan juvin ñi tsa cuenda yacan jahá tyiñu yo tan nyehé yo tundoho tyin ndatú yo tsa naquihin yo tsa vaha tsa tsahá Nyoo nyito tsi yo. Tyin maa ra cuví ra jacacú tsi tandihí nyíví, tan jihna ca yoo tsa tsinú iñi yo tsi ra jacacú ra.

¹¹ Tuhun ihya jácua ha un tsi nyíví yihí cuenda Nyoo, tan jañiñi un tsi ñi na cutuhva ñi itsi. ¹² Catsi jaha un tsi un coto ña cua jaha nyíví tsa ñayíví tsi un tsa cuenda tsa ndi tyuvaa xaan un. Jácua ha tsi ñi tsihin cuhva iyó un, tan tsihin cuhva caahán

un. Jacuaha tsi ñi tsihin tsa cuñí un tsi Nyoo tan tsi nyívi, tsihin cuhva tsicá iñi un, tsihin cuhva tsinú iñi un, tan tsihin cuhva javahá un maa ñi maa tsa vaha. ¹³ Tan tsitsi tsa ndi cumaño ca tsaa yu nu nyívi un, cahvi tuhun Nyoo tsihin ñi yihí tuhun Nyoo. Cuhva cuenda ñihi tsi ñi, tan jacyuaha tsi ñi nácaa cunyicun vaha ñi tsi Nyoo. ¹⁴ Jaha cuenda vaha tunyee iñi tsa tsahá Nyoo tsi un quivi tyiso ndaha ra nyisó tyiñu vehe ñuhu naha ra jiñi un tan cahan ra naha tsa tsahá cuenda Nyoo tsi ra naha. ¹⁵ Tyáa vaha iñi tuhun can tan javaha cuhva catyí tsi. Tacan tan cua nyehe tandíhi nyívi nácaa cuahán un ityi nuu ca tsihin Nyoo. ¹⁶ Jaha cuenda tsi un tsihin cuhva iyó un. Tan jaha cuenda cuhva jacuahá un tsi nyívi. Tan ña nacoo ihñi un tsa vaha. Tatun javahá un tacan, cua cacu un, tan cua cacu tucu nyívi tyáa soho tuhun jacuahá un.

5

Nu tsahá cuenda ra Pablo tsi ra Timoteo nácaa cuhva cuenda ra tsi nyívi yihí cuenda ra Cristo

¹ Ña cuxaan un tsi iin ra tsahnu, maa tyin cuhva cuenda tsi ra tan jaha tsa ñayívi tsi ra tyin tumaa cuví jutu un cuví tsi ra. Tan ra cuatyí naha ra, cuhva cuenda tsi ra naha tumaa tsa yañi un cuví tsi ra naha. ² Tan ñi tsahnu cuhva cuenda tsi ñi tumaa tsa sihi un cuví tsi ñi. Tan ñi cuatyí, cuhva cuenda tsi ñi tumaa tsa cuhva un cuví tsi ñi. Javaha tandíhi tsa caahán yu ihyá tsihin tsa vaha tsicá iñi un.

³ Jatyinyee tsi ñiñaha ndaahvi tsa tsihí yíi tatuñduve nyívi ñi cuví jatyinyee tsi ñi. ⁴ Maa tyin

tatun iyó iin ñaha tsihí yíi tan iyó sehe ña, a sehe yañi ña, cuñí tsi cutuhva jihna maa ñi can jatyinyee ñi tsi ña. Na nducuhun iñi ñi nácaa jahá cuenda sihí ñi tsi ñi tsa ndi nyihi ñi. Tan tacan taahán tsi tsa jaha cuenda tucu ñi tsi ña vityin. Tun tacan javaha ñi, vaha xaan, tyin tacan taahán iñi maa Nyoo. ⁵ Tan ñaha tsa tsihí yíi tan ndoo ndaahvi intuhun ña maa ña, iin ña Nyoo tyáá iñi ña tan tsicán tahvi ña tsi ra tsinu cahñi tan tsacuaa. ⁶ Maa tyin ñaha tsihí yíi tsa cusii iñi tsihin tsa iyó nu ñuhu ñayiví ihyá, vasu nyito ña maa tyin tsihí ña cuenda Nyoo. ⁷ Jacoto tucu tuhun ihyá tsi ñi cuhva yo tyin tacan tan ña ñihi nyiví cuhva cahan ñi ndavaha ñi tsi ñi. ⁸ Maa tyin tatun yihí yo iyó nyiví yo tan ña tsicá iñi yo jatyinyee yo tsi ñi, ña vaha tacan. Tyin tatun ña jatyinyé yo tsi nyiví vehe yo, tumaa tsa ña tsinú iñi yo tsi Nyoo cuví can. Tan cahnu ca cuatyí yo iyó tan ñavin ca nyiví tsa ña tsinú iñi tsi Nyoo.

⁹ Nu tutu tsa nyaá siví ñi tsihí yíi, na cunyaa siví ñi tsahnu tsa iyó ndaahvi, tatun tsa yahá uñi xico cuiya ñi, tan intuhun ñi yíi ñi tsicoó. ¹⁰ Tan tatun tsító vaha nyiví tsi ñi tsa cuenda tsa vaha tsa javahá ñi; tan jacuahnú vaha ñi sehe ñi, tan tsahá ñi tsa catsi nyiví tsaá yuvehe ñi, tan jahá tyiñu ñi tyiñu nyiví yihí cuenda Nyoo tsihin tsa níi iñi añima ñi, tan jatyinyee ñi tsi nyiví nyehé tundoho. Tun tacan javahá ñi tandíhi tsa vaha, cuví cunyaa siví ñi.

¹¹ Maa tyin ña tyaa ndo siví ñiñaha tsa ñaha ca quita uñi xico cuiya, coto coo quiví tan cuñí ñi coo nyico yíi ñi tan cuñí ñi tindaha ñi inga tsaha tan jandíhi ñi tsa jahá tyiñu ñi tyiñu ra Cristo. ¹² Tan

coo cuatyi ñi tyin ña javahá ñi cuhva cah n ñi tsa cua jahaha ñi. ¹³ Tan inga tucu tyi u tatum tsic  nuu jutsan ñi maa ñi tan iin tan iin vehe ny v  qu hv  ñi. Tan  navin yacan ñi maa tyin tsic  nuu tucu ñi caah n ñi cuendu. Tan tyih  ñi tsi ñi nu ña taah n tsi qu hv  ñi, tan caah n ñi tsa ña taah n tsi cahan ñi. ¹⁴ Vaha taxin ca na tindaha ñi inga tsaha. Na coo sehe ñi. Na jaha cuenda vaha ñi vehe ñi. Tan ña cuhva ñi cahan nyaa ny v  xaan i n tsi yo tsi yo. ¹⁵ Caah n yu tand hi tuhun ihya tsihin un tyin y h  ñi tsa naco  ñi tsi Nyoo tan nyic n ñi tsi nu ña vaha. ¹⁶ Tatum ñi y h  cuenda Nyoo tan iy  iin ny v  ñi tsa tsih  y i, cu i tsi tsa jatyinyee maa ñi tsi ñi can, tan ña tyiso ñi itsi si qui vehe  nuhu. Tyin tacan tan cuv  jatyinyee vehe  nuhu tsi inga ñi tsih  y i tsa nduve ca maa ny v  iy .

¹⁷ Ra tsahnu ra nyis  tyi u vehe  nuhu, cu i tsi tsa jaha xaan ny v  vehe  nuhu tsa  nay v  tsi ra, tan tsa jihna ñi na jaha ñi tsa  nay v  tsi ra caah n tuhun Nyoo tan jacuah  ra naha tsi ñi. ¹⁸ Tyin tuhun Nyoo caty  tsi tyehen: “ Na tyi i un yoho yuhu ind iqu  nu jah  tyi u t , tacan tan cuvi catsi t  luxu.” Tan caty  tucu tuhun Nyoo tyehen: “Iy  ndatu tsa  nih  ra jah  tyi u yahvi ra.”

¹⁹ Tatum ty a  ny v  cuatyi tsi iin ra tsahnu tan ña quita uvi a u i taahan tsandaa,  na ty a  yahvi un tsa caah n ñi. ²⁰ Maa tyin ny v  tsa ja ih  ca javah  tsa ña vaha, cu i tsi tsa cahan ndo tsihin ñi nuu tand hi ny v  yuc  vehe  nuhu. Tacan tan nayuhvi tand hi ca ñi tan ña jahaha ñi tsa ña vaha. ²¹ Tav  tyi u yu tsi un nuu Nyoo tan nuu Jutu Ma i yo Jesucristo, tan nuu  ngel tsa nacats i ra. Tan

caahán yu tsihin un tyaa yahvi tsa caahán yu ihya, inducu ñi cuñi un nyehe un tsi tandihí nyiví. ²² Na numi xaan cuhva un tyiñu tsi iin ra cuví ra ityi nuu tsihin nyiví vehe ñuhu. Coto cuhun cuatyi javaha ra siqui un. Jaha cuenda vaha tsi un tsihin tandihí tsa javahá un tan ña cuhva un ndatu tsi nu ña vaha tsa nducu cuhva nu tsi un.

²³ Tan tsa cuenda tsa uhvi tsitsi un, ña coho ca un maa ñi maa ndutya, coho luxu vinu na nduvaha tsitsi un.

²⁴ Yihí nyiví quituví cuatyi ñi tsa ndi cumañi cutuñi ñi. Tan yihí ñi quituvi cuatyi ñi tsa yaha cutuñi ñi. ²⁵ Tan tacan tucu tatum javahá yo tsa vaha, ña cuxeehe tsi. Vasu ña quituví tsi tsa numi ñi, maa tyin ña cuví ndoo xeehe tsi.

6

¹ Nyiví yihí cuenda Nyoo tsa cuví musu, cuñí tsi tyaa yahvi vaha ñi tsi tsitoho ñi. Tyin tacan tan ña ñihi nyiví cuhva cahan ñi ndavaha ñi siqui Nyoo, tan siqui tuhun ra tsa jacuahá yo. ² Tan tatum iin musu tan yihí tsitoho ra cuenda Nyoo, taahán tsi tsa jaha ra tsa ñayiví tsi ra ican tyin yañi ra cuenda Nyoo cuví tsi ra. Cuñí tsi tsa vaha ca jahá tyiñu ra tyiñu tsitoho ra, tyin tsinú tucu iñi maa ra can tsi ra Cristo, tan Nyoo cuñí ra tsi ra ican. Jacuaha yacan tsi nyiví yihí cuenda Nyoo tan cuhva cuenda tsi ñi na javaha ñi cuhva catyí tsi.

Cuhva iyó yo tsihin Nyoo tan na cusí iñi yo tsihin tsa tsahá ra tsi yo

³ Tatum iyó iin ra jacuahá inga tuhun tsa ña nacatsi tahan tsihin tuhun vaha tsa jacuahá Jutu

Mañi yo Jesucristo; tan ña nacatsi tahan can tsihin cuhva vaha iyó yo tsihin Nyoo, ⁴ cuví ra iin ra nduyaá ñi maa, iin ra ña tsitó. Tan tsa caahán yuhu ra siquí iin tsa ñavin ñi tsa cahan yo tuhun, cuví can tumaa cuehe tsi ra. Tan tsa cuenda yacan cacú tísíhi tan nyiyo iñi nyíví tsa iyó tsi inga ñi, tan tsa caahán nyaa tahan ñi tsi ñi, tacan tan ndasí cuñí nyíví nyehe tahan ñi tsi ñi. ⁵ Tan maa ñi cañí tahan nyíví jahá can tyin quiñi tsicá iñi ñi, tyin ña tsitó ñi tsa vaha. Cuñí maa ñi tyin cua jaha canaa ñi xuhun tsihin tuhun Nyoo. Ña cutahan un tsihin ñi can. ⁶ Nditsa tyin tsa javahá yo cuhva catyí Nyoo tan sii cuñí yo tsihin tsa tsahá ra tsi yo, cuví tsi tumaa iin tsa cuca iyó tsi yo. ⁷ Tyin nduve náa tsaaq tsihin yo quíví cacú yo nu ñuhu ñayíví ihya. Tan nduve náa cuhun tsihin yo quíví cíu yo. ⁸ Maa tyin tatum iyó tsa catsi yo tan iyó jahma cunditsí yo, na cusii iñi yo, tan na ndoo yo vaha tsihin yacan. ⁹ Maa tyin nyíví cuñí nducuca, nducú cuhva nu ña vaha tsi ñi. Tan nacava ñi tsitsi xayi nu. Jandusohó nu tsi ñi tsihin tsa cuñí ñi coo cuaha tsa coo tsi ñi. Tan jatíví can tsi ñi. Tan nu ndíhi tuhun cua tíví ndíhi ñi tan cua cuhun ñi anyaya. ¹⁰ Tyin tsa cuñí xaan yo xuhun, yacan cuví yoho tandíhi ca nuu tsa ña vaha. Tan yihí nyíví tsa cuenda tsa cuñí xaan ñi xuhun, tan jandíhí ñi tsa tsinú iñi ñi tuhun Nyoo. Tan janyehé ñi tundoho tsi juvin ñi maa ñi tsihin yacan.

Nacaa cañí tahan yo tsihin nu ña vaha tsihin tsa tsinú iñi yo tsi Nyoo

¹¹ Maa tyin yoho cuví un iin rayí cuenda Nyoo. Quita tsiyo nuu tandíhi tsa caquiñi. Coo cuiti vaha

nuu Nyoo. Cuanyicun tsi Nyoo tsihin tsa nii iñi un. Cuñi tsi nyivi. Cunyee iñi tsihin tsa vita iñi un nyehe un tandihí tsa cua tahan un. Tan ña cahnu jaha un tsi un. ¹² Cañi tahan vaha tsihin nu ña vaha tsihin tsa tsinú iñi un tsi Nyoo. Ñajaña ndaha un ñayivi nyito tsa ña cua naa maa tsa tsahá Nyoo tsi yo. Tyin tsa cuenda can, cana Nyoo tsi un, tan tacan catyi un quivi cahán catsi un nuu tandihí ra cuví tsandaa naha ra, catyi un tyin tsinú iñi un tsi Nyoo. ¹³ Tan vityin nuu Nyoo, ra tsa tsahá ñayivi coo tandihí tsa iyó, tan nuu ra Cristo Jesús ra tsa tsahá cuenda vaha tuhun nditsa nuu ra Poncio Pilato, caahán yu tsihin un, ¹⁴ javaha tandihí tsa catyi yu tsihin un tyin javaha un tyin tacan tan ña cuví cahan nyaa nyivi tsi un nda tahan tsi quivi quitsi Jutu Mañi yo Jesucristo. ¹⁵ Nda tsaa maa quivi, tan cua jaquitsi Nyoo tsi ra Cristo inga tsaha. Ra ican cuví ra jacahnú yo, tan intuhun ñi maa ra cuví Nyoo, ra iyó xaan tunyee iñi. Rey cahnu cuví ra nuu tandihí ca ra cuví rey. Tan ra ndacá ñaha cahnu cuví ra nuu tandihí ca ra ndacá ñaha, ¹⁶ Intuhun ñi maa ra cuví ra tsa nduve tuhun tsiihi iyó tsi. Tan iyó ra nu nditsin nu ña cuví cutuhva nyivi. Tan ndi intuhun nyivi ñaha ca nyehe tsi ra. Tan ndi ña cuví nyehe ñi tsi ra. Na jacahnú yo tsi maa ra. Tan na cundaca ñaha ra tsi yo tandihí tyembu. Tan na ña cundihí maa tsa ndacá ñaha ra tsi yo. Na cuvi tsi tacan. ¹⁷ Tan cahán tsihin nyivi tsa iyó tsa cuca ñuu ñayivi ihya, na ña cahnu xaan jaha ñi tsi ñi. Tan ña cuita iñi ñi tsa cuca tsa iyó tsi ñi. Tyin tsa cuca can cua ndihí can. Na cuita iñi ñi tsi Nyoo nyito, tyin maa ra cuví ra tsahá tandihí tsi yo. Tan cuví cusii iñi yo tsihin tsi. ¹⁸ Cahan tsihin

ñi cuca na javaha ñi tsa vaha tan nducuca ñi nuu Nyoo tsihin tsa javahá ñi tsa vaha. Tan na cuhva ñi tsa iyó tsi ñi tsihin tsa nii iñi ñi tan ñavin tsihin tsa cuiihya cuñí ñi. ¹⁹ Tacan tan coo tsa cuca tsa ña cuanaa maa tsi ñi, tan jatyinyee tsi tsi ñi nu cuahán quívì ityi nuu. Tan coo ñi ñayivì nyito tsa ñia cua naa maa.

Nu ndihì tsahá cuenda ra Pablo tsi ra Timoteo

²⁰ Yooho Timoteo, jaha cuenda vaha tyiñu tsa tsahä Nyoo tsi un. Ña tyaa soho un tuhun nu ñuhu ñayivì ihya, tuhun nduve yahvi nyaá. Ña tyaa yahvi un tuhun tsa catyí nyivì tyin tsitó xaan ñi tan ña nditsa. ²¹ Tyin tsa cuenda yacan, yihí nyivì tsa nacoo ihñi ñi tuhun Nyoo. Tan ña tsinú vaha ca iñi ñi tsi ra vityin.

Coo tsihin tsa vaha tsa iyó tsi Nyoo tsa tsahä ra tsi un.

Tan na cuvi tsi tacan ñi.

**Tuhun tsaa tsa nacoo jutu mañi yo Jesucristo
tsi yo**

**New Testament in Mixtec, San Juan Colorado
(MX:mjc:Mixtec, San Juan Colorado)**

copyright © 1994 Wycliffe Bible Translators, Inc.

Language: Mixtec, San Juan Colorado

Translation by: Wycliffe Bible Translators, Inc.

Mixteco, San Juan Colorado [mjc], Mexico

Copyright Information

© 1994, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Mixtec, San Juan Colorado

© 1994, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files
dated 29 Jan 2022

c270ec54-172a-541f-83e6-7760f619c744